



Adresa: **Ul.H.Čemerlića 39A**  
71000 Sarajevo  
<http://www.voda.ba>

tel. +387 33 726 444  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-040-6/24**  
Datum: 08.05.2024. godine

«Agencija za vodno područje rijeke Save» Sarajevo rješavajući po zahtjevu Investitora „DŽENEX“ d.o.o., Tuzla za izdavanje prethodne vodne saglasnosti za ispuštanje otpadnih voda sa lokacije proizvodno poslovnog objekta čija je namjena servisiranje vozila, proizvodnja solarnih panela, radovi na proizvodnji i montaži čelika, pjeskarenje i dr. u naselju Lukavac Grad, Grad Lukavac, na osnovu člana 139. stav 1. tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99, 61/22), **donosi**

### **RJEŠENJE** **o prethodnoj vodnoj saglasnosti**

1. Investitoru „DŽENEX“ d.o.o. Tuzla daje se prethodna vodna saglasnost za ispuštanje otpadnih voda sa lokacije proizvodno poslovnog objekta čija je namjena servisiranje vozila, proizvodnja solarnih panela, radovi na proizvodnji i montaži čelika, pjeskarenje i dr. u naselju Lukavac Grad, koji se planira graditi na zemljištu označenom kao k.č. broj: 2847, 2848/1 i 2258/3 K.O. Lukavac, Grad Lukavac.
2. Prethodna vodna saglasnost daje se u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za ispuštanje sanitarno-fekalnih voda za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona u skladu sa članom 139. stav 2. tačka (1). i (2). Zakona o vodama («Službene novine Federacije BiH», broj 70/06) kao i saglasnosti i dozvola od strane drugih nadležnih organa u skladu sa drugim Zakonima.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod slijedećim uslovima:
  - 4.1. Da Investitor izradi projektnu dokumentaciju vanjskog uređenja predmetnog lokaliteta sa tehničkim rješenjem separatnog sistema za prikupljanje, tretman i ispuštanje otpadnih voda sa lokacije predmetnog objekta sa definisanjem krajnjeg recipijenta prečišćenih otpadnih voda, na nivou Glavnog projekta. Projektna dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt («Službene novine Federacije BiH», broj 17/08 i 38/12).

Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) koja su bitna za konkretan slučaj, a naročito:

- Proračun potrebnih količina sanitarne vode, potrebne količine vode za eventualno pranje manipulativnih, saobraćajnih i parking površina i sl.;
- Na preglednoj situaciji prikazati cjelokupan lokalitet sa planiranim objektima (predmetni poslovni objekat, manipulativni i parking prostor, uređaj za prečišćavanje tehnoloških otpadnih voda i sanitarno-fekalnih otpadnih voda, mjesto ispuštanja);
- Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka);
- Proračun kvantitativnih i kvalitativnih karakteristika otpadnih voda iz predmetnog objekata, pratećih objekata, saobraćajnih, parking i manipulativnih površina;
- U tehničkoj dokumentaciji treba predvidjeti odgovarajući tretman prikupljenih tehnoloških otpadnih voda na separatoru, takvih karakteristika da kvalitet efluenta obavezno mora da zadovolji granične vrijednosti kvaliteta propisane u članovima 14 i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije

- Projektom dati proračun potrebnog kapaciteta separatora ulja i naftnih derivata i lokaciju ugradnje. Nakon separatora ulja i naftnih derivata, prije ispusta, predvidjeti izgradnju monitoring okna koje će poslužiti za kontrolu rada istog. Lokacija separatora treba da bude takva da se omogući pristup auto - cisterni u cilju čišćenja i održavanja istog. Nakon tretmana na separatoru ulja ispuštanje tretiranih voda planirati u površinska vodna tijela ili sistem odvodnje do istih.
  - Sagledati mogućnost nastajanja neželjenih uticaja na režim voda ili uticaja režima voda na stanovništvo, objekte, radove i okolinu, sa prijedlogom mjera sa sprječavanje istih.
- 4.2. Predmetni objekat ne smije biti u koliziji sa površinskim vodama, niti da se nalazi u priobalnom pojasu i zaštitnim zonama izvorišta vode za piće. Dokaz pribaviti od strane operatora vodovodnog sistema i nadležnih kantonalnih i općinskih službi.
- 4.3. Pri izradi tehničke dokumentacije pridržavati se uslova iz urbanističko-tehničkih uvjeta, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
- 4.4. Lokacija predmetnog objekta treba da bude usklađena ostalom infrastrukturom (elektro, vodovod, telefon i sl.), a za sve eventualne kolizije i ukrštanja sa istom, treba se pribaviti saglasnost vlasnika infrastrukturnih objekata ili organizacijom koja njima upravlja.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u tački 4. ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
6. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

### **Obrazloženje**

Investitor „DŽENEX“ d.o.o., Tuzla se dana 30.01.2024. godine obratio ovoj Agenciji sa zahtjevom za donošenje rješenja o prethodnoj vodnoj saglasnosti za ispuštanje otpadnih voda sa lokacije proizvodno poslovnog objekta čija je namjena servisiranje vozila, proizvodnja solarnih panela, radovi na proizvodnji i montaži čelika, pjeskarenje i dr. u naselju Lukavac Grad, koji se planira graditi na zemljištu označenom kao k.č. broj: 2847, 2848/1 i 2258/3 K.O. Lukavac, Grad Lukavac.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka broj: 032-0-Reg-22-001979 od 27.12.2022. godine izdato od Općinski sud u Tuzli;
- Ovjerena kopija Uvjerjenja o registraciji poreznog obveznika od 18.01.2023. godine izdato od Kantonalni porezni ured Tuzla;
- Ovjerena kopija katastarskog plana, razmjera 1:1000, broj plana: 23, UR br: 05-26-2-3112/2023-3 od 27.09.2023. godine izdato od Službe za urbanizaciju, imovinske i geodetske poslove, Grad Lukavac;
- Ovjerena kopija zemljišnoknjižnog izvatka ZK uložak broj: 3397, broj: 126-0-NAR-23-003052 izdatog dana 25.09.2023. godine od strane Zemljišnoknjižnog ureda, Općinski sud u Lukavcu;
- Ovjerena kopija Izvod iz posjedovnog lista broj 3561, broj: 05-26-2-3112/23-2 od 27.09.2023. godine izdato od Službe za urbanizaciju, imovinske i geodetske poslove, Grad Lukavac;
- Ovjerena kopija Mišljenja o usklađenosti planirane aktivnosti sa prostornim planom broj: 05-19-2024/24 od 23.01.2024. godine izdato od Službe za urbanizaciju, imovinske i geodetske poslove, Grad Lukavac;
- Ovjerena kopija Izvoda iz prostornog plana općine Lukavac, razmjera 1:1000 izdato od Službe za urbanizaciju, imovinske i geodetske poslove, Grad Lukavac;

- Ovjerena kopija Uvjerenja da se predmetne parcele ne nalaze u zoni sanitarne zaštite izvorišta vodosnabdijevanja a ni u zoni drugih vodnih objekata broj: 05-19-5178/23 od 08.01.2024. godine izdato od Službe za urbanizaciju, imovinske i geodetske poslove, Grad Lukavac;
- Studija za prethodnu vodnu saglasnost za planirani poslovno-proizvodni objekat-automatsko brzo održavanje, servis vozila i injekcija plastike, proizvodnja solarnih panela, prodaja i marketing, radovi na proizvodnji i montaži čelika, pjeskarenje i antikorozivnu zaštitu, sa magacinima, administrativnim prostorijama i sobama za boravak radnika u naselju Lukavac Grad, Grad Lukavac, broj: 735/2023, Decembar 2023. godina urađena od „TZI-Inženjering“ d.o.o., Sarajevo.
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama o zahtjevu je dana 12.04.2024. obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenju“ objavljenom dana 17.04.2023. godine. U datom roku nije bilo pisanih izjašnjenja o predloženim aktivnostima iz zahtjeva. Na osnovu objave, oglašavanja u dnevnom listu „Oslobođenje“ investitor je na osnovu Zaključka o visini i roku za plaćanje posebnih troškova broj: UP-1/21-1-40-040-4/24 od 22.04.2024. godine uplatio račun broj: 24-3600-000068 dostavljen od O Media d.o.o., zbog oglasa zahtjeva u dnevnom listu.

Na osnovu dostavljene dokumentacije, mišljenja tehničke struke i dostavljene tehničke dokumentacije utvrđeno je slijedeće:

- Lokacija proizvodno poslovnog objekta čija je namjena servisiranje vozila, proizvodnja solarnih panela, radovi na proizvodnji i montaži čelika, pjeskarenje i dr. u naselju Lukavac Grad, koji se planira graditi na zemljištu označenom kao k.č. broj: 2847, 2848/1 i 2258/3 K.O. Lukavac, Grad Lukavac.
- Vodotok rijeke Spreče protiče na udaljenosti od objekta cca 890m, a vodotok Lukavačke rijeke protiče na udaljenosti od objekta cca 230m, prema Studiji predmetni objekti neće dolaziti pod negativan uticaj velikih voda rijeke Spreče i Lukavačke rijeke ranga javljanja 1/100 godina.
- Predmetna aktivnost obrađena je i definisana u Studiji za prethodnu vodnu saglasnost za planirani poslovno-proizvodni objekat-automatsko brzo održavanje, servis vozila i injekcija plastike, proizvodnja solarnih panela, prodaja i marketing, radovi na proizvodnji i montaži čelika, pjeskarenje i antikorozivnu zaštitu, sa magacinima, administrativnim prostorijama i sobama za boravak radnika u naselju Lukavac Grad, Grad Lukavac, broj: 735/2023, Decembar 2023. godina urađena od „TZI-Inženjering“ d.o.o., Sarajevo.

Na osnovu utvrđenog činjeničnog stanja, a shodno članu 139. stav (1) tačka 2., a u vezi sa članom 111. Zakona o vodama, konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, izda tražena prethodna vodna saglasnost, pa je donešeno rješenje kao u dispozitivu ovog Rješenja.

Uslovi za izdavanje vodne saglasnosti definisani su u tački 4. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

#### Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Obradivač akta:

Remić Dž., dipl.iur.

**Po ovlaštenju**  
**Rukovodilac sektora za izdavanje vodnih akata**  
  
**Haris Ališehović, dipl.inž.građ.**

Dostaviti:

- „DZENEX“ d.o.o., Tuzla  
Ul. ZAVNOBIH-a 13., Tuzla
- AVP Sava, ISV-vodna knjiga
- Org.jed. 40 – arhiva